

籌辦夷務始末

籌辦夷務始末卷之五十一

咸豐十年庚申四月乙丑俄囉斯照會

為照會事。本國接得本大臣正月間所送文書。知本大臣
盡心辦理。所求且為

貴國有益一切事件。至今尚未辦妥。不勝詫異。愛琿城二年
前所立和約

貴國設法。並不遵照辦理。本國所求誠明。且合於理。若秉公
辦事。必無疑意。况兩國二百餘年和好。

貴國大臣每行文時。亦嘗云願照和好之道。上班大臣不。及
本大臣。已經一年半。勸求

貴國大臣商辦決定兩國緊要之事。奈徒勞無益。特緣

貴國大臣推託不辦之故。本國大皇帝聞知此等光景。諭令
本大臣。只此次再行照會

貴國。畢竟願否照依和約辦理。及本大臣屢次行文所求別
項事件准行否等語。本大臣遵照此旨。理宜務求貴處大
臣。將本大臣前次所行各件。奏

聞

貴國

大皇帝後。其兩國東界。即照愛璉和約。及咸豐八年大學士桂文
興公普提雅廷之

諭旨所繪之圖。願否畫押用印照辦。並將貴處大臣願否豫防將
來嫌疑之處。確實明白。行知本大臣。若

貴國

大皇帝准行。其本大臣前文所言別項事件。或有商辦之處。即請
貴處大臣會同商辦。貴處大臣應堅信本國大皇帝甘願
貴國有益。並免諸將出師之患難。若仍猶疑。遣使實於

貴國無益。儻

貴國

大皇帝不准行時。本大臣遵照本國大皇帝諭旨。應由京起程前
往北塘登船。因居此互相無益。故貴處大臣須明本大臣

所候覆文何等關係。是以求貴處大臣詳細決定。於三日內覆知。因本大臣務必於四月初八日起程。前往北塘。並乞照天津和約第二條。飭令沿途妥為豫備。以免路上阻攔可也。為此照會。

丙寅。給俄羅斯咨覆。

為咨覆查照事。四月初一日。據禮部送來照會一件。貴使臣因接到本國文書。以所求事件。至今尚未辦妥。內言我等推託不辦。殊堪詫異。查從前借居崎咭等地方。並非貴國應有之處。是以

大皇帝念兩國和好二百餘年。方肯施

恩准其借住。至烏蘇哩。綏芬地界。因該處軍民人等。斷不相讓。屢次遞呈。現已開墾。各謀生業。萬不能讓與他人。經該將軍將此情節據實奏明。因恐貴國之人。去到該處人等。不容必致反傷和好。中國向來辦事。皆以俯順民情為要。是以礙難允准。至丈內所稱。與中國有益之事。查中國與俄國和好二百餘年。並無相傷之處。亦無彼此無益之事。今反言與中國有益。尤不可解。望貴大臣務將何事有益於中國之處。詳細說明。迅速答覆。再該處軍民既有所請。中國斷不能驅逐百姓。令貴國之人借住之理。如貴使臣看不明晰。可即定期與本國。

欽派大臣面見可也。為此咨覆。須至咨者。

乙乙。

諭軍機大臣等。有人奏。夷人登陸滋擾。必先向通內地。民人為之
嚮導。方敢深入等語。前據薛煥奏。探聞該夷覓得山海關以內
海岸登陸。徑奔都門。並偵知大沽左右有鹽田水深。可以泊船。
欲由此上岸。抄破臺後路。業經諭令僧格林沁。恆福將如何布
置之處。迅速奏聞。該夷詭譎異常。現在沿海窺探。難免與內地
民人向通。豫為臨時嚮導。該大臣等營內官兵。似不至與該夷
通氣。惟鄉勇及販賣食物人等。恐有奸細混跡。非認真稽查。未
易收露。著僧格林沁。玉明。遇有形迹可疑之人。嚴密訪拏。破其

奸計。天津五方雜處。閩廣人多。沿海各口。地方遼闊。更恐有匪徒埋伏。為該夷所用。著恆福。遴委幹員。會同地方官。並公正紳士。編查保甲。嚴拏奸細。使海濱肅清。以弭隱患。毋得視為具文。盛京之田莊臺。沒溝營等處。著王明一體辦理。其山海關一帶。即著僧格林沁。密飭增慶等。嚴查拏辦。斷不可稍涉大意。伊格那提業幅。正月間來文。有兵船欲到北塘。聽其調度之語。現在該酋以烏蘇哩等處地界。不允所請。語益不遜。欲於初八日由京赴北塘登舟。該酋心存叵測。或勾結唵佛。滋擾伊從中說合。意圖取利。或暗助唵佛。與我尋釁。逞其狂悖。均未可知。若阻其前往。未免受其挾制。已諭步軍統領衙門。順天府。派委員

并護送前往。俟到北塘後，著恆福委員即飭該首迅速登舟開行。毋令逗遛。並著僧格林沁嚴加防範。儻該夷欲換利哈徹幅來京，一而設法阻止，一面奏明請旨。

山東巡撫文煜奏本月二十二日。據登州府張鼎輔稟據蓬萊縣具報。三月初五日。有夷船一隻。由長山島開行。遊奕。有夷人二名。駕杉板小船一隻。至天橋口上岸。在水城海岸附近之觀音堂間遊。經瞭望弁兵向前攔問。夷人口稱。價買煤炭牛羊食物。弁兵即以此地不產煤炭。並無牛羊可買。且以灘落水淺。船必被擱。勸令速即開行。夷人仍駕杉板折回大船。駛往大竹山島南洋擺泊。於初六日辰

刻開往東北大洋駛去無蹤。並准登州鎮總兵曾達年咨
同前日各等情。臣查該夷人雖經弁兵善為攔截。船已駛
去無蹤。惟既上岸欲買食物。非尋常停止往來行駛者可
比。理合附片陳明。伏乞

聖鑒。

硃批知道了。

辛未。

諭軍機大臣等。俄囉斯伊格那提業幅。現定於初八日。由京前赴
北塘。本日業經傳知順天府。專派委員護送前往。並令將食宿
之處妥為辦理矣。著僧格林沁。恆福。即行派委員弁。迅速探迎。

護送○並飭沿途地方官○照順天府一律辦理○俟該首登舟後○即令開行○勿使在該處逗留○其經行道路○務須由北倉行走○不准前往天津○及大沽礮臺後路等處○免其窺見○致令得我虛實○是為至要○

士申○閩浙總督慶端○福建巡撫瑞璜奏○等○接據署福建布政使事按察使裕鐸詳稱○准琉球國中山王世子咨開○咸豐九年五月二十九日○有火輪船一隻到來○當即委員訊問來歷○據稱係喇囉國欽奉全權公使用克而伊而翁加白良所坐船隻○通船共有一百二十人○今特來要與貴國大臣當面議事等語○業於六月初一日○在公廨相會○該

公使將文書一道。交官展看。該官看訖。婉詞云。文內嗣後。或有哨船到來。須要以禮相待。凡在市雜物。許其收買。所有柴水。亦收價供給。若哨船遭風漂來。衝礁損壞。亦要地方官遣人救命。待有便船回籍。凡有哨人犯法。地方官報明船主治罪。或有人身故。給地理葬。暨撥船引導等事。均係情理當然。自當遵命。至於交易一案。敝國蕞爾。疆土。疏產。乏。無力可辦。責難應允。祈賜體量。該公使云。姑如所請施行。但事關國主鈞諭。不敢自專。他日俟覆奏批准。再來辦理。語畢而退。於初八日開船回去。至於佛夷嗎嘯。塔嘽喇等。迄今逗遛。尚未撤回。茲值接貢之便。咨明查照。

施行等因。等。伏查前次喃嗎嗎。啖咭喇。兩國夷船駛往琉球。淹留該國。據琉球國王世子咨。由福建藩司詳。經各前督。臣恭摺奏明。移咨。

欽差大臣兩廣督臣。就近察看情形。勒令撤回在案。茲喃嗎國夷船駛往琉球。現已開船回國。云俟他日再來。又喃嗎嗎。啖咭喇等。迄今逗遛。尚未撤回。既據該國王世子移咨。福建藩司叢明轉詳前來。除飛咨。

欽差大臣兩江督臣何桂清查照。分別妥為勸諭。各該國夷酋。嗣後船隻。勿再駛往琉球。並將喃嗎嗎。啖咭喇等。迅速撥船接回。以敦和好。仍俟何桂清咨覆到日。即行飭司備移。

琉球國王世子查照。

硃批知道了。

癸酉。

欽差大臣科爾沁親王僧格林沁直隸總督恆福奏竊等。於上月三十日。承准軍機大臣密寄。閏三月二十九日奉

上諭。據薛煥春探聞夷船等因。欽此。○ 奏僧格林沁業經恭錄

諭旨。○ 劉行副都統增慶等一體欽遵辦理在案。○ 查薛煥探聞夷情。仍近虛聲恫嚇。測度該夷之意。無非希圖大沽防兵調撥他處。該夷得以乘隙窺伺。○ 至於該夷步隊登岸。遠襲津郡等處。在在不易各情形。○ 等語。已於閏三月初六日。詳細陳

明在業。惟大沽左右。山海關附近。各有口岸數處。大船雖不能上駛。其沿海地方。處處皆可登岸。實屬防不勝防。且亦無此兵力。是以上年將澗河口。老米溝。秦王島等處。官兵撤回。山海關大小礮位。運回附近縣城。仍常川哨探。來往梭巡。至現在海防用兵情形。各處布置嚴密。奉天山海關。大沽。駐紮重兵。該夷自必深悉。其可以登岸之處。竟不設兵防守。該夷以為故示疏失。誘令深入。聚而殲旃。虛實相間。山海關各海口。似無須撥兵駐紮。第兵法變幻靡常。等亦不能料其必不敢由彼登岸。至距大沽二百餘里。

距

京師三百餘里。港澗水深。可以登岸。查山海關以內。無此地。方。其臨榆縣屬之秦王島。昌黎縣屬之浪窩口。瀋河口。樂亭縣屬之老米溝。距山海關數十里。及一二百里不守。距大沽

京師均在四五百里。由該處登岸。數十里之內。並無鎮市。僅有零星村落。該夷裹糧不易。覓食維艱。惟距北塘六十里。距大沽百里之蘆臺鎮地方。人煙鋪戶較多。為米糧聚集之所。由甯河。香河。通州。至

京師約在三百餘里。因該處地方緊要。本年二月間。勸令紳民挑築環濠。舉行團練。均經齊備。該處為營城後路。且地

勢平坦。馬隊馳驟。極為得力。現在各營步隊官兵。均經派
定防守礮臺營壘。其後路策應。左右截擊。全恃馬隊。儻該
夷人數眾多。水陸分投並進。步隊官兵。足資拮禦。馬隊遠
處截擊。近處策應。似不敷分撥。李等現已將備調宣化鎮
標官兵一千名。扎調來防。即令在北岸距礮臺十里之唐
兌沽駐紮。以為後路應援。即可替出馬隊。臨時分投截勦。
營壘後路。有此步隊。亦不至空虛。李僧格林沁。現已督飭
西凌阿。增慶等。沿海隨時妥為偵探。務使聲勢聯絡。氣息
相通。該夷一經登岸。何處就近。何處撥派馬隊。前後兜擊。
如此酌量布置。兵力既厚。防守益增嚴密。至俄夷大船二

隻○停泊北塘○舢板進口○上月二十七日○接收信函○代為寄
京○舢板隨即退出○其後來大船一隻○即於二十八日○由軍
機處交出信函一件○即交該夷收領○舢板仍在口內停泊○
聽候夷館回信○本月初四日○交出該夷回信一件○已交該
夷收領○原期該夷得信後○即可開行○詎料舢板船一隻○夷
人數名○仍在北塘逗遛不去○又無通中國言語之人○屢經
指畫○催令開行○無如該夷逞刁咆哮○用手指畫○似係仍要
食物形狀○查該夷船初到時○開單所要食物淡水○當經派
弁送往○並不收受○後又仍要食物○業經付給○等等○若非仰

體

皇上柔遠外夷。有加無已。則斷難任其推而復索。今該夷無厭。要求。逞刀狂悖。情近欺陵。又無通中國言語之人。似難揣度。供應。正在辦理間。本月初五日寄

諭仰荷

聖明指示周詳。等。查該夷詭譎異常。難免勾通內地民人。豫為嚮導。亟須認真嚴密查拏。其山海關一帶。等。僧格林沁已遵即密飭增慶等。嚴密稽查。妥為防範。所有大沽一帶馬隊步兵。自。等到防後。曾經嚴飭各營。及文武地方官。認真稽查。遇有可疑之人。隨時盤詰。至大沽各營以外。添築長濠。安設門座。前已飭派官兵。分駐各門。盤查出入。至進

口漕船舵工水手多係在上海雇覓其中惟恐暗伏奸細等派委文武各員於稽查洋藥之外並令按船查對人數每遇護照與人數不符者即將者民詳訊供招扎飭天津道派弁沿途密查及該船抵津後亦令地方官隨時稽查以杜奸匪混迹並經曉諭各項船隻僮遇夷船駛至海口俱不准其出口以免宣洩防守情形天津五方雜處易於藏奸自環濠工竣之後業經飭令地方官督同紳士嚴查保甲慎防奸細並於各濠門添設卡房派撥官兵認真盤詰現復遵

旨嚴飭各該官兵密為訪拏毋稍疏懈以期仰副

皇上慎重海防之至意。再此次俄囉斯來至北塘。形蹤詭秘。驕傲異常。難保非給喚佛窺探虛實。暗懷奸細。今在京俄酋伊格那提業幅。又欲來至北塘。與該夷會面。更屬可疑。揆其情形。決非好意。查喚佛與俄夷本屬狼狽為奸。若不知我虛實。尚存疑懼之心。似此俄夷內外消息相通。往來會面。喚佛何事不知的確。嗣後若不嚴禁往來。不特難防奸細。即海防事務。更難辦理。可否請

旨飭下理藩院。傳諭該夷。經此次出京之後。不可再有往來。以免窺探勾通。至俄酋利哈傲幅。僅欲進京。等自當竭力設法阻止。再行奏

聞。

硃批。知道了。俄夷備知底細。亦不在往返晤面。使不洩漏機關。總在禦之得法。若海口力阻其來。反致該夷有所藉口。往返護送。不過在京饒吉路途煩擾。若永泊攔江沙內。將來必形費手。僧格林沁又奏。瞭望北塘攔江沙外。又有夷船一隻。與俄夷大船一處停泊。自必仍係前次開駛之俄夷船隻。硃批。知道了。

巡撫銜江甯布政使薛煥奏。竊臣於閏三月二十五日。奉欽差大臣兩江總督何桂清傳諭。承准軍機大臣密寄。閏三月十

八月。欽奉。

上諭二道。且詭誦之下。欽佩莫名。伏查喫商嗜嚙。狂悖已極。不肯與大小官員相見。誠如

聖訓。無庸再與該酋曉辯。轉令彼持之愈堅。臣屢與署蘇松太道吳煦等密函。暗囑華商。窺其動靜。隨時向夷商開導。總謂聖恩高厚。視天下如一家。中外商民。悉為赤子。奈嗜嚙既不知感悟。又不悔上年之敗。仍欲構兵。豈尚不知北省軍威。不可輕犯。因舉

欽差大臣僧格林沁。前曾圍勦逆匪林鳳祥。殲楚無遺之事。備告之以生其畏。又言嗜商如此妄為。早可閉關絕好。乃大皇帝不忍外國商民失業。仍准照舊通商。爾等幸蒙莫大

恩施如能勸令噤首悔悟。早日就撫。將來獲利豈不更多。欲動之以生其感。然此等理論之詞。但能籠絡夷酋。使其不附。噤噤作祟。而該酋報復之念。仍堅執不移。吳煦等探聞該夷既欲虛攻大沽。別由山海關以內登岸。遂分股抄襲大沽後路。均用馬隊前導。近又探得噤首擬欲分擾山東登州萊州一帶。牽制我師。使我師應接不暇。又據候選知縣黃仲奮鈔聞三月新聞紙。及各夷信。譯書喚佛兩夷船數。兵數清單。具稟到。臣雖虛實皆未可知。而不能不嚴為之備。臣方謂頌嘯全即可到港。應遵

諭旨。先責噤噤背約之罪。而以仍准議和宣導。

天朝格外寬恕之恩。擬諭以條約之設。原以既經議和。即當不再用兵。上年天津之役。噶魯斯擅自帶兵前去。其時中國不但不責其帶兵。即是背約。尚遣官餽物。上船投文。實已曲加禮貌。乃噶魯斯卻物不收。退文不接。硬肆兵船入口。懸掛紅旗。毀壞防具。與我接仗。以致自取敗衄。是噶魯斯先構費前約。已不足憑。應另行會議妥協。方能永久。此說若噶魯前來。即使未必聽從。莫可藉以刪改約內窒礙之事。正在稟商督撫。臣等詳聞。適接吳煦等函稱。據華商報噶魯哈。自暎國啟程。道經佛國。擬約噶囉同來。噶夷國王謂女主忽戰。忽和。太無主見。祇為各行其志。佛仍一意主

戰。現又添兵四千。額爾哈以噶囉既不復來。亦回覆該國
女主不來中國。仍聽噶囉主持。有兵船不日北駛之說。
并鈔錄譯書新聞紙前來。日查額爾哈噶囉。原定四月初
間可到。今忽中止。此次新聞紙乃上海夷館閏三月二十
四日卯刻。噶囉嘶必另接有該國密信。不令人知。究竟是
何說。謀。噶囉噶囉。果否不復前來。殊難懸揣。惟現稱夷
船不日北駛。誠不可不豫為嚴防。至定海情形。臣接浙江
甯紹台道梁恭辰來文。該夷漸肆無狀。甚至強索錢糧。征
冊。擅入監獄。夷兵約三四千名。輪流入城操演。夷目分股
巡查。情殊叵測。請派熟悉夷務之員。前往妥辦。冀免決裂。

據吳煦函稱。接奉浙江撫臣王有齡函諭。已委署松江海防同知俞斌。帶華商碼坊前赴定海各等語。又風聞定海武營衙署堂廡及各城門。皆有夷兵盤踞。茲飭密查前去。俟得上海定海兩處動靜確報。容即隨時馳奏。

殊批。另有旨。該兩國一欲戰。一欲和。足徵其實。不欲戰。礙難開口。此機關實不可失也。

薛煥入奏。臣接奉閩浙督臣慶瑞咨會。本年三月十五日。有荷蘭國雙桅夷船一隻。內夷兵一百餘名。紅毛雙桅夷船一隻。內夷人五百餘名。俱帶器械。先後駛至廈門。聞係轉往上海。旋於十七日。駛出外洋。均往北而去等因。臣查

紅毛即暎夷之別種也。近來上海正有暎船陸續駛至。荷
蘭則別是一國。此船恐係由暎佛兩夷雇募而來。上海現
帶荷蘭國兵船進口。

硃批知道了。

薛煥又奏。正在總摺間。續接吳煦等函稱。噶嚕斯及噶爾
布。自三月二十三日。呈報照會督臣何桂清公文。乞為
代奏。後。迄未來請看。

上諭。該首等用兵之念。堅決異常。實堪髮指。現聞夷商紛紛私議。
暎佛兵船。本擬於五月初七初八等日。齊集北洋分路侵
犯。若噶爾噶嚕。不來中國。其用兵日期。尚要提前。吳煦

等。因令華商於有意無意之間。向老成夷商密探。據云兵船現已由定海及各口陸續北駛。未必均來上海。寧破其舉動的期。雖不能知。大約總在四月以內。另聞該夷雇募熟習直隸路徑之廣東匪徒甚多。並欲用牛隻駝負木人衝突。名為火牛陣。旋據定海探報。亦言夷船之泊定海者。裝有木人火牛等物。又有廣東跣足匪徒一千餘名。均載竹盛。穿夷字號衣。輪流上岸。搬運器械。近日該夷廣購餵飼牛馬草料等情。由吳煦等密報前來。臣查夷人居心陰險。其用兵日期及設計衝陣。未必肯自洩漏。誠莫窺其虛實。第既有所聞。自應備豫不虞。

翰軍機大臣等。據薛煥奏。是情詭譎。雙幻。決意添兵北駛。並鈔錄
新聞紙各件呈覽。覽奏均悉。英首頓爾。噲。道經佛國。因該國主
一意添兵主戰。頓首已回。復該國主不來中國。仍聽噶嚕嘶主
持有兵船不日北駛之說。夷情詭譎。本難懸揣。惟兩國相持。英
既欲和。而佛又欲戰。足見欲戰亦非其本意。其中不無可乘之
機。薛煥現已前往上海。即當設法令華商轉告英商。向噶首。婉
轉開導。告以上年英國擅毀防具。自取敗衄。爾佛國並未隨同
附和。中國與爾國亦和好無嫌。正宜在上海議定先行換約。於
爾國方有利益。若兵端一啟。中國必先絕兩國之貿易。則華夷
各商均受其累。如此反覆開導。動以利害。噶首如能悔悟。或可

戰礙難開口。有此機會。殊不可失。已諭令何桂清。薛煥。妥為籌商。迎機酌辦。至所探喚喇兵船。現已由定海及各口陸續北駛。其舉動總在四月以內。並欲用牛隻駝負木人衝突。兼在廣東。既足匪徒一千餘名等情形。種種詭謀。亦不可不嚴為防備。僧格林沁等。於海口防務。大致以虛實相間。馬步相輔為主。布置自屬周妥。僅夷船果於日內陸續駛至。應否將備撥官兵。先期調派。以壯聲勢。即著僧格林沁。恆福。悉心酌辦。既有木人火牛等事。自應多挑濠溝為要。其餘應如何設法抵禦。並著豫為籌畫。薛煥摺片。并新聞紙。船數單。均著鈔給閱看。至俄首伊格那提業幅。到北塘後。儘必欲易換利哈做幅前來。似亦無庸遲

於攔阻致該夷有所藉口○仍着該大臣等酌度情形妥為辦理○

又

諭○本日據薛煥奏○嘆佛仍圖北駛報復○並探聞佛兵欲分擾山東
登州萊州一帶○牽制我師及兵船已由定海各口陸續北駛○其
舉動的期約在四月以內○另雇熟習直隸路徑之廣東匪徒甚
多○並欲用牛隻駝負木人衝突○名為火牛陣各等語○嘆佛分兵
滋擾登萊○以冀分我兵力○原在意計之中○已諭令何桂清等設
法開導○阻其北駛○惟該夷居心叵測○現在登州等處○尚有夷船
停泊○難保不招集熟識山東路徑之人○為其嚮導○若由利津登
岸○亦可由陸路徑至天津○着文煜嚴飭該處將弁○暗為防備○一

而嚴飭地方不准接濟食物。僅該夷兵船陸續駛至。著該撫派
委妥員。告以去年該國並未助英國打仗。如係換約而來。此處
並無辦理通商換約之責。務須在上海議定章程。經該省欽差
奏明後。仍須由北塘進京換約。方不失兩國和好之道。如該夷
登岸滋擾。該撫務須隨時酌量情形。妥為辦理。切不可先行啟
釁。致令該夷有所藉口。於大局轉多窒礙。是為至要。

暎夷新聞紙

連日盼望公司輪船均謂願爾哈不日可到。孰知五月十
四日。即中國閏月二十四日。七點鐘。輪船到滬。各商家均
接本國之信。竟已大換章程。願爾哈於三月初啟身。先過

佛國欲邀葛囉同來中國酌定是戰是和原有一練轉機
乃佛王威怒頗謂暎主忽是忽非既欲遣使再往中華亦
惟各行其道現在佛國定見增兵四十名並添戰船戰具
續到天津一徑進京定欲責問背約之咎願爾陰在佛國
二十餘日會議多次毫無轉機當即知會暎倫女主曰佛
既如是我國亦不復遣使重去諸聽嚙嚙嘶主持與佛同
上北京此言在暎國未知中國情形若知京都如此回文
亦必添兵戰恐不速現俟船齊一準北駛毫無他議矣
佛兵船軍政使在定海索取該廳實徵內兵冊藉以查戶
口人數占衙署不遇借以涼爽均無他故果欲侵占地土

有何難哉。是知其意在北而不在南。

暎佛訶夷停泊各海口船隻兵丁數目清單。

香港泊暎國兵船十九隻。

大夾板船一隻。礮四十四門。水兵三百七十五名。

大火輪船一隻。礮六門。水兵三百五十名。

大火輪船一隻。礮五十一門。水兵五百名。

大火輪船一隻。礮十七門。水兵一百五十名。

大火輪船一隻。礮六門。水兵一百六十五名。

大火輪船一隻。係向夷商租賃。礮位。兵丁未載明數目。

大夾板船一隻。無礮位。水兵二百名。陸兵五百名。此係住

兵之船不以攻戰

大夾板船一隻。裝載糧食。

大夾板船三隻。共礮八門。住醫生及病傷兵丁。

淺水火輪船八隻。共礮二十四門。水兵三百四十八名。每

船約兵五六十名。往來通遞書信。接濟兵食。

以上各船。現住香港。計不日尚有移動。

定海泊英國兵船十二隻。

大夾板船一隻。水兵五百名。

大火輪船一隻。水手三百五十名。水兵四百五十名。

大火輪船一隻。礮五十一門。水兵五百三十名。兵頭尊士

所駕以為中軍。

大火輪船一隻。礮二十一門。水兵四百名。

大火輪船一隻。礮十六門。水兵三百五十名。

大火輪船五隻。無礮位。每船約裝陸兵六百名。共三千名。

及糧食軍械。

中火輪船一隻。礮六門。水兵一百一十名。走報書信。往來

接濟。

淺水大輪船一隻。礮二門。水兵三十七名。

上海泊喚團兵船六隻。

大火輪船一隻。礮十六門。水兵二百四十名。

大火輪船一隻。礮六門。水兵一百十四名。此船現裝陸兵二百名。不日赴新德記行屯紮。

大火輪船一隻。礮六門。水兵一百一十名。

淺水火輪船二隻。共礮四門。水兵七十四名。

夾板船一隻。礮十六門。水兵一百三十名。

登州泊英園兵船六隻。

大夾板船一隻。礮二十六門。水兵二百名。

大火輪船一隻。礮二門。水兵一百六十五名。

淺水火輪船四隻。共礮九門。水兵一百八十五名。

廣州泊英園兵船六隻。

大火輪船一隻。礮二十一門。水兵一百五十四名。

大火輪船一隻。礮十六門。水兵二百六十名。

大火輪船一隻。係向夷商租賃。礮位兵丁。未載明數目。

淺水火輪船三隻。共礮十門。水兵一百三十七名。

福州泊英國兵船。

大火輪船一隻。礮三門。水兵五十名。

廈門泊英國兵船。

夾板船一隻。礮十二門。水兵一百三十名。

甯波泊英國兵船。

淺水火輪船一隻。礮二門。水兵三十七名。

日本泊英國兵船三隻。

中火輪船二隻。無礮位。裝夷人二百名。漢人四百名。專為購買牛隻馬匹而設。近已回上海。不日仍赴日本云。

淺水火輪船一隻。礮二門。水兵三十七名。

上海泊倭國兵船八隻。

大夾板船一隻。礮五十門。水兵四百名。兵頭卑治所駕。

大夾板船一隻。礮四十門。水兵三百七十五名。

大夾板船一隻。礮位人數未載明。

大火輪船四隻。礮位人數未載明。

淺水火輪船一隻。礮六門。水兵一百十九名。

定海泊佛國兵船五隻。

大火輪船四隻。

淺水火輪船一隻。

登州泊佛國兵船。

淺水火輪船三隻。共礮十八門。水兵三百五十名。

香港泊佛國兵船六隻。

大火輪船五隻。

淺水火輪船一隻。

其喫船尚欠兵船八隻未到。近聞已抵新加坡。十日前後可到香港。佛船未到者。未詳確數。

辛巳

欽差大臣科爾沁親王僧格林沁直隸總督恆福奏竊等於本月初十日恭奉

硃諭並承准軍機大臣密寄四月初九日恭奉

諭旨一道鈔錄薛煥原奏等件等均已敬謹聆悉查原奏內稱探聞英酋額爾噶道經佛國擬約噶囉同來佛國一意主戰額爾噶亦回覆該國女主不來中國仍聽噶囉斯主持等語該酋將命而出聽從他國囑令即可中道而止情理殊為不通且上年十一月二十六日何桂清奏報英夷用兵之意已決佛夷斷難專主英佛貌合心離不願合兵何

以此時噍夷一意主戰。又原奏內稱定海夷兵三四千名。輪流入城操演等語。其三四千名。自係見其輪流入城約計之數。並非實見有三四千名。屯於一處。至操演自應在城外空曠無人處。所何須入城操演。其為以少詐多。欺哄庸愚。已可概見。前經探聞購買馬若干匹。騎坐木人。以便衝突。今將馬匹棄而不用。另用牛隻。名火牛陣。是其種種情形。均不可信。現惟加意慎防。該夷雖詭詐百出。我軍穩若磐石。不為搖動。該夷即無隙可乘。查大沽左右。並礮臺後路。以及津郡一帶。節節駐兵。層層布置。若該夷船隻人數。不至眾多。我兵拒之。自有餘力。儻果如歷次新聞紙所

開船數人數。或更有加增。及分股擾犯。亦惟以此兵力抵敵。馬步官兵。應戰應守。均經分定段落。擬請暫緩添調各項布置。或明或暗。遠近虛實相間。無可再加嚴密。現仍督飭各營官兵。晝夜嚴防。沿海梭巡。不敢稍涉大意。山西官兵。頭起五百名。已於初十到防。其餘不日即可到齊。即令在津郡駐紮。分於海河兩岸。防守東面環濠。續調宣化官兵一千名。據報。已於本月初九日啟程。一俟到來。飭令在唐兒沽駐紮。至俄酋伊格那提業幅。於初十日住北倉。十一日住北塘。當派員外郎德祥。運司崇厚。天津道孫治。前往北塘照料。計來夷人二十六名。是日上船十六名。十四

日全數上船。十五日辰刻開行南駛。十四日通事明常呈
出信函三件。官面謹告一件。遞禮部轉呈軍機處一件。專
致鄂僧格林沁一件。囑託收存。俟伊國續有船隻到來代
交。經德祥等告知中國王大臣。不收外國信函。現在中國
正在喫佛文兵。嗣後俄國船隻。總以不來為是。信函不能
代為收存。該夷執意不從。已將遞送禮部轉呈軍機處信
函一件留存。轉交夷船信函一件接收。其餘信函一件。已
經擲還。查此次夷船駛至北塘。夷酋出京各情形。深為巨
測。難保無暗藏奸計。殊堪髮指。該夷開駛後。勢必前往上
海。與喫佛暗通消息。至津沽一帶。兵力布置。俄夷盡知詳

細○俄○夷○傳○送○一○切○嘆○唏○二○夷○亦○深○信○不○疑○防○守○既○已○嚴○密○
該○夷○料○難○窺○伺○欲○和○之○意○必○堅○全○在○上○海○辦○理○得○當○迎○機○
善○導○使○之○就○我○範○圍○誠○如○

聖○諭○有○此○機○會○殊○不○可○失○再○本○月○十○三○日○接○准○順○天○府○文○稱○初○七○
日○恭○奉○寄○

諭○軍○機○大○臣○面○奉○

諭○旨○夷○人○起○程○不○准○僱○給○輪○夫○等○因○欽○此○奉○恆○福○派○令○文○武○委○員○
在○楊○村○等○候○護○送○旋○據○京○稱○詢○之○順○天○府○委○員○聲○稱○夷○人○
出○京○三○十○里○至○于○家○衛○地○方○坐○輪○直○至○北○塘○等○語○查○中○華○
民○人○不○應○受○值○於○夷○人○挂○輪○雖○係○愚○民○無○知○究○屬○不○合○已○

將姦夫九名帶至大沽懲辦示儆。

硃批覽奏各情均悉。

壬午福建道御史許其光奏竊惟盤詰奸匪為地方之要務。全在文武各官時嚴防範。始免疏虞。乃近來保甲緝捕視為具文。致令奸細得以潛蹤。如粵東浙江各省城被夷人及逆匪闖入。皆先有奸細伏匿城中。臨時內應。此前事之可鑒者。京城為

輦轂重地。環衛森嚴。原可無奸匪潛藏之慮。第近年以來。搶竊漸多。若非有窩藏之家。何至肆行無忌。且臣前丁憂在籍時。即聞暎夷有冒充別國夷人混入京城之事。甚或改

易內地服色。以傳教為名。暗中探事。或約外省奸民作伴。各處遊行。或勾引京城窮民。容留居住。凡此諸弊。難保無之。並聞該夷在粵。操演馬隊。多造小船。此其志不專在洋面可知。現又聞金陵大營潰退之後。賊勢甚張。不特夷患堪虞。即長髮逆匪。亦恐有暗遣細作。進京窺探者。似不可不防其漸。相應請

旨飭下步軍統領。順天府。五城。督飭營縣司坊各官兵役。一體明查暗訪。遇有外來游棍。或三五成羣。或行蹤詭秘者。立即密拏研訊。固不得遇事張皇。尤不得稍形疏縱。其近畿之通州。武清。固安。良鄉。房山。昌平。密雲等州縣。由順天府檄

飭各該文武於衝途要隘嚴密稽查奸細按月報數至京城內外街道柵欄應由步軍統領衙門嚴飭堆撥兵役並該地方司坊各官修整完固遵照道光二年欽奉

上諭認真稽察按時啟閉並請

飭下八旗都統轉飭所屬各按旗界分段巡查又如天壇。

景山白塔鼓樓暨各城門樓值班官兵各

禁門值班之章京護軍人等。

圓明園附近一帶村莊營汛均屬關緊要應請

諭飭各該管大臣隨時親往稽查務使一律嚴肅俾中外臣民咸

晚然於根本重地。法禁整齊。非外省海疆一隅可比。庶奸匪聞風斂迹。

畿輔長保又安矣。

諭軍機大臣等。有人奏京師輦轂重地。近年搶竊漸多。若非有窩藏之家。何至肆行無忌。甚且有外國夷人混入京城。改易內地服色。以傳教為名等語。盤詰奸匪。本係地方要務。著步軍統領衙門。順天府。五城御史。各督飭所轄地面。密為查辦。遇有外來游棍。或三五成羣。或行蹤詭秘者。立即密拏研究。固不得遇事張皇。尤不得稍形疏縱。其近畿一帶。如通州。武清。固安。良鄉。房山。昌平。密雲等州縣。即由順天府飭各該文武員弁等。嚴密稽

查按月報費。毋得視為具文。將此各諭令知之。

癸未。

諭內閣。江蘇布政使薛煥。著署理欽差大臣關防。辦理五口通商事宜。

盛京將軍玉明奏。竊於四月十二日。承准軍機大臣密寄。四月初五日奉

上諭。有人奏。夷人登陸滋擾等因。欽此。竊伏思該夷詭譎異常。而其性多疑。非漢奸勾引。不敢深入。前已密飭旗民地方官。並三營將弁。隨時留心。詳加盤詰。茲蒙

訓諭周詳。竊遵即而諭在防將弁。以及牛莊海城旗民地方官。編

查保甲認真稽查。並通飭沿海各城一體遵辦。仍遴派幹員。改裝易服。分往各該海口。實力躡緝。遇有形跡可疑之人。密訪嚴拏。破其奸計。務期杜漸防微。消弭隱患。以冀仰副

聖主綏靖海疆之至意。

硃批知道了。

王明又奏。四月十二日。據金州旗民地方官詳報。四月初七日。和尚島口外。見有火輪船一隻停泊。旋有商民十七人。駕駛杉板小船登岸。據稱係江南金永康。金長源船戶。高暢堂。金錫蕃等。由沒溝營裝載豆石。於四月初三日行

至山東洋面。被火輪船攔截。帶至和尚島口外。用杉板小船。送伊等上岸。將水手張老海。連船載糧貨扣留。經該地方官查驗。照票相符。發給口糧等情。馳報前來。竊查該夷在山東洋面。膽敢劫掠商船。桀驁情形。實堪髮指。金州和尚島。距城較近。防堵最為喫緊。已飛咨該副都統希拉布。督飭旗民地方官。嚴行戒備。並由驛六百里咨會。

欽差大臣僧格林沁。知照。仍通飭金州。錦州。濱海旗民地方官。一體嚴加防範。

硃批知道了。

閩浙總督慶端奏。竊竊接據署浙江甯紹台道梁恭辰稟。

稱本年閏三月初一日。查有佛咲二團。大小火輪船十八隻。陸續駛至衙頭。移時即有夷官美理登等六人。入城謁見。據稱欲借城內衙署暨寺院暫住官兵等語。當經再三婉覆。該夷官一味堅執。即於次日陸續進城。分處寺院等情。具報前來。竊查定海孤懸海外。島嶼紛歧。為甯波一郡之門戶。茲佛咲二團兵船駛至舟山。強入城內。欲將衙署寺院分住夷兵。其情實屬叵測。現由署甯紹台道梁恭辰。遣委熟悉夷務之員。馳赴定海。業經飛飭確查情形。能否理諭再行相機妥辦。一面督率界連之鎮海等縣。嚴密籌防。並咨請浙江撫臣。添委幹員。前往查辦。伏思該二團

兵船屢在天津挫衄。難保不別逞詭計。以圖要求。浙省當殘破之餘。鉤結兵單。諸形掣肘。惟有察看夷情之所向。隨時妥商辦理。至閩省台灣。僅有味喇噎議。准通商。尚未據報開市。其福州。廈門。各口。夷人現皆往來貿易。安靜如常。才已密飭各屬。不動聲色。一體密為防範。並分咨

欽差大臣兩江督臣何桂清。暨幫辦五口通商事宜江甯藩司薛煥查照。

硃批。知道了。

庫倫辦事大臣色克通額。幫辦大臣多爾濟那木凱奏。竊才等因恰克圖商民甲首。前來庫倫。即傳集署內。面詢俄

夷近來情形。及嘆咪兩處夷人。曾否與俄囉斯往來和好。茲據甲首索文錦等面稟。近聞俄囉斯夷人。多因常赴黑龍江海口等處。往返不斷。康費浩繁。有其光景。較先似覺窘迫。至嘆咪喇咪喇。兩處夷人。曾於咸豐七年八年。連年秋。季攜帶貨物。來至俄囉斯買賣處所。兩月有餘。稱言欲與中國商人交易買賣。此後該夷人不知去向。暗詢俄夷。伊言該兩處夷人。帶來貨物。俄國俱已換買。伊等已竟回去。自九年至今。並未聞有該夷等復來等語。等語。思俄夷陰謀誘詐。貪鄙性成。誠恐嘆咪喇等。在恰克圖附近貿易。侵占彼利。是以拒回。現今嘆夷等。欲在天津上海等處。

添設買賣。其中難保無俄夷陰謀唆使。

殊批知道了。

乙酉。

盛京將軍玉明奏竊。於四月十四日准金州副都統希拉布咨稱。前報停泊之火輪船一隻。於初八日清晨向東南洋遊駛去訖。並未回口。是日未刻復有該夷劫來丁遊船一隻。與前劫商船一處停泊。酉刻由具水地方登岸。詢據該船戶楊振聲。李發增聲稱。係萊州府掖縣船名興連盛。共水手二十名。於閏三月間由上海裝運漕米一千零八石。四月初六日行至威海城山頭。被火輪船截搶。帶到

此口。原人俱令登岸。每商船有夷人五六名。並不交給原
票等語。前後共到劫來商船六隻。現時已被夷人搬去上
蓋三隻。將船身另塗白色。欲改修火輪船。帶赴天津打仗
等情。查漕糧最關緊要。前已遵

旨。通飭濱海各該旗民地方官。遇有漕船來至奉天海面。無論行
抵何處口岸。即令收口。暫行停泊。妥為防護。一體遵辦。在
案。今該夷肆其兇悍。膽敢在山東洋面截搶漕船。帶至青
泥窪海口。輒將船隻扣留。僅送船戶水手登岸。形蹟甚屬
可疑。其中恐有漢奸勾結。暗施詭計。尤不可不嚴密訪查。
以弭隱患。即如該副都統咨報。漕船被劫情形。似未明晰。

既稱該船戶裝運漕米。其船有無押運弁兵。未據供明。且原領票照。又被夷人扣留。無憑查驗。其漕糧是否被搶。有無別情。僅據該船戶一面之詞。殊難憑信。難保非奸細假冒漕船水手。登岸窺探虛實。且該夷扣留商船。指其照票。更難保不藉此船隻。潛叢夷兵。扮作商船。執持照票。滙入各口。隨處埋伏。至宜確切訪察。嚴行戒備。庶免墮其奸計。現已飛咨該副都統。傳集被劫船戶水手。逐層盤詰。務得確情。詳細咨覆。並委員前往訪查虛實。俟該副都統並委員查訊咨報到日。再行詳細具奏。

王明又奏。正在拜摺間。接准金州副都統咨報。四月初

十日瞭探該夷人留商船六隻內塗成白頭船三隻其餘杉船二隻丁遊船一隻尚未塗畫十一日寅刻該夷在船演放一礮驚駭鄉民紛紛避避其火輪船仍未回口續據佐領趙進冉稟報是日午刻見有白布蓮船一隻似衛船形勢駛入青泥窪與前到之船一處停泊又有四桅重臺蓮大夷船一隻由東南洋向青泥窪行駛各等情○查夷船在青泥窪一帶游奕演放礮位驚駭鄉民○查留商船情殊叵測惟金州兵力較單前經○李○挑備熊岳官兵三百名奏准由該副都統○邊有緩急隨時酌調現當夷船游奕海防喫緊已○咨覆副都統○相度機宜就近副調親督官弁在

於緊要處所嚴密防堵。不得稍形疏懈。仍飭濱海口岸加
意嚴防。

諭軍機大臣等。王明春漕船在山東洋面被夷船截搶。并夷船在
青泥窪一帶游駛。演放礮位各等語。該夷肆其兇悍。在山東洋
面截搶漕船。將船隻原票扣留。僅送船戶水手登岸。塗改船色。
且演放礮位。驚駭鄉民。并有夷船由東南洋向青泥窪行駛。情
殊叵測。著王明嚴飭希拉布。加意嚴防。如該夷非大隊登岸。深
入滋擾。不可先行開礮。致令該夷有所藉口。其濱海口岸。并著
王明嚴飭隨時豫防。不得稍形疏懈。該船戶裝運漕米。有無押
運弁兵原領票照。又被夷人扣留。無憑查驗。難保非奸細假冒。

潛船水手登岸。窺探虛實。且該夷扣留商船。指其照票。更難保
不藉此船隻。潛載夷兵。扮作商船。執持照票。滙入各口。隨處埋
伏。尤應確切訪查。嚴行戒備。著希拉布。傳集被劫船戶水手。逐
層盤詰。務得確情。并飭沿海各口弁兵。遇有商船停泊。加意盤
查。毋墮奸計。是為至要。

又

諭奉日據玉明奏。潛船在山東洋面。被夷船截搶。該夷復在船演
放礮位。並有夷船二隻。向青泥窪行駛。各等語。據稱全州和尚
島口外。有火輪船一隻。停泊。並江南金永康等商船。在山東洋
面被劫。初八日。該夷火輪船一隻。向東南洋駛去。復有該夷劫

來下游船一隻。與前劫商船。一處停泊。據被劫船戶登岸聲稱。上海裝運糶米。行至威海城山頭。被火輪船截搶。帶到青泥窪口。原人俱令登岸。每商船有夷人五六名。並不交給原票。前後共到劫去商船六隻。並將船身另塗白色。欲改修火輪船。帶赴天津打仗。該夷復在船演礮。驚駭鄉民。又有白布運船一隻。四桅重疊。遂大夷船一隻。向青泥窪行駛。各等語。該夷截搶漕船。塗改船色。扣留商船原票。情殊叵測。難保非漢奸假稱被劫商船。登岸窺探虛實。更難保該夷不藉此船隻。潛載夷兵。扮作商船。執持照票。泗入各口。隨處埋伏。著僧格林沁等。密飭將弁。嚴為防備。俟漕船進口時。嚴密盤查。庶免墮其奸計。是為至要。

丙戌○山東巡撫文煜奏○查各海口○間有夷船一二隻行駛○或於無人處上岸間遊○或就淺水處用物測量○輒忽靡定○並無滋擾○茲又據即墨縣先後稟報○閏三月二十七日○距栲栳島八九十里之土埠島外洋○有雙桅平頭夷船一隻○帆檣重疊○後繫腳船兩隻○向東南黃龍莊對南之大洋游奕○於二十八日○往正南駛去無蹤○又三十日○距覽山六七十里之東南洋面○有夷船兩隻游奕○又四月初二日○距鰲山衛三十餘里之文武港○有小夷船一隻○有紅黑白三等夷人二十餘名○手執洋槍上岸○用千里鏡四周照望○該船形式○宛以梭樣○兩邊有槳數桿○急走如飛○向北駛去○並未

滋事。又初三日。相距楚山衛十里洋面。有小夷船一隻。在
彼游奕。又據登萊青道轉據海陽縣稟報。閏三月二十八
日申刻。瞭見城南大洋。有火板夷船一隻。駛至韓城二十
里外洋泊。並有三四夷人。駕駛小船。傍岸取水。嗣因詢無
淡水。遂即開行。往東北大洋駛去。並據聲明。查係兵船。又
據蓬萊縣稟報。閏三月三十日午刻。瞭見前在廟島停泊
之夷船一隻。開向東北大洋駛去。又是日未刻。西北大洋
有火輪船一隻。駛至廟島停泊。現在該處共停泊夷船一
隻。火輪船一隻。又准登州鎮總兵咨。閏三月三十日。嶼山
洋面。有三桅大船二隻。游駛。桅上有黑旗一桿。旋即有六

人駕駁杉板登岸。頭帶黑帽。身穿哈喇黑衣。俱穿皮靴。各袖洋槍。直登高山。用千里鏡四下觀望。逐一書畫。並無騷擾各等情。先後咨稟到。臣其餘稟報。大率相同。除飛咨直省外。臣惟有嚴飭慎密防守。一面督令趕辦團練。以期稍助兵力。

硃批知道了。

戊子。

盛京將軍玉明奏。竊於四月十四等日。接准金州副都統咨報。和尚島。青泥窪等處。見有火輪夷船一隻。並由山東洋面劫來。漕船商船共六隻。將船扣留。僅放船戶水。

手登岸。擊以夷情詭詐。形跡可疑。當將通飭嚴防。並詳查確探緣由。疊經由驛奏報在案。十七日戌刻。准全州副都統希拉布咨報。十三日。見有火輪船一隻。帶來被劫商船十一隻。十四日。又到火輪船一隻。和尚島。十四日。見有火輪船一隻。帶來被劫甯波船一隻。銜船沙船各一隻。並據該旗民地方呈報。被劫船戶。於初九。初十。十二等日。先後登岸。訊據上海船戶金錫蕃。高暢掌。顧永昌。陸續彩等供稱。均由江蘇領運漕米。赴津交卸回空。至沒溝營裝載出口。行至山東洋面。被劫。楊振聲供係山東丁遊船。由江蘇領運漕米一千零八十石。行至威海城山島。被劫。水手驚

懼○跳○落○水○內○三○名○不○知○下○落○。○該○船○主○周○供○係○江○蘇○沙○船○由○上
海○裝○載○貨○物○。○行○至○岑○山○洋○面○被○劫○。○王○天○成○供○係○天○津○衛○船○。
由○山○東○販○賣○豆○石○完○竣○。○欲○赴○牛○莊○裝○載○。○行○至○外○洋○被○夷○船
搶○劫○銀○二○千○一○百○兩○。○均○帶○至○和○尚○島○口○外○停○泊○。○除○將○交○却
漕○糧○驗○有○執○照○之○金○錫○蕃○等○四○船○酌○付○資○費○發○給○文○照○。○先
令○回○籍○。○其○陸○續○彩○交○却○漕○糧○。○並○無○執○照○。○楊○振○聲○領○運○漕○糧
被○劫○。○丟○失○水○手○。○應○將○該○船○戶○留○案○。○聽○候○查○辦○。○其○餘○舵○工○水
手○均○經○釋○回○等○情○。○馳○報○前○來○。○奉○查○該○夷○旬○日○之○內○劫○掠○商
船○多○隻○。○雖○有○改○作○火○輪○船○帶○赴○天○津○打○仗○等○語○。○而○該○夷○奸
狡○異○常○。○其○火○輪○船○陸○續○前○來○。○劫○留○商○船○愈○聚○愈○多○。○且○在○和

尚島青泥窪。一帶游奕。其心實屬巨測。難保不有窺伺金州之意。且恐即以劫留之船。分駛各口滋擾。亟宜嚴密隄防。況金州和尚島青泥窪等處。俱係老水貼岸。距城較近。尤為喫緊。現經將熊岳備調兵三百名。飛劄催赴金州。交該副都統督帶。就駐海濱扼要堵禦。相機辦理。所有此次被劫船戶水手。業經該地方官驗明照票。發遣回籍。第恐稽查稍有疏虞。其間難免奸民涇蹟。假冒舵工水手。或託言回籍潛赴各口。偵探虛實。暗中勾結。尤不可不細心盤詰。確切訪查。嗣後被劫商船。驗明有無照票。分別遣留。其應行釋回者。仍著該地方官派差遞省。庶可杜漸防微。

消弭隱患。至該夷船現在停泊處所。究係距岸遠近。其所劫商船之船戶水手。是否登岸。訊有供詞。來文均未聲敘。仍應飛咨確查。相機布置。以昭慎密。

硃批。知道了。

山東巡撫文煜奏。竊臣於本月十一日。承准軍機大臣密寄。奉

上諭。本日據薛煥奏。喫佛仍圖北駛報復等因。欽此。當即分別咨札沿海文武一體欽遵。知照。嗣據登萊青道稟報。本月十二日戌刻。前泊廟島之各大火輪船內。先有一隻開行。船後拖帶大小商船數隻。由長山島南洋往東北大洋駛去。

所帶係何處商船。共有幾隻。因時值天晚。並有雲霧。辨視不清。亦無從查詢。至十三日黎明。瞭望無蹤。又是日午後。先有施長生杉板。裝載漕糧。在廟島池北外洋行駛。經該夷船瞥見。前往攔截。水手人等。乘其不備。駛入呼奔界。攔淺者。民水手。梟水登岸。該夷亦即折回。十三日酉刻。又有復恆盛糧船一隻。由東往西大洋行駛。亦被該夷輪船瞥見。趕至西家莊海灘下碇。船不能動。耆民水手。由杉板小船登岸。移時潮漲。水落。該夷將船帶去。且聞先開行之火輪船。所帶各商船。亦有漕船在內。但事在外洋。無憑探詢。又據登州府臬王源泰。王源通。興源勇三船。裝載漕糧。均

於本月十二日巳刻駛至長山島洋面。被該夷帶往大洋駛去。者民水手由小船登岸各等情。先後稟報前來。臣查該夷漸肆猖獗。且惟有嚴飭暗為密防。並加緊催令擇定妥員。如該夷兵船陸續駛至。即速飭令前往。欽遵。

諭旨。妥為開導。總不使有所藉口。其在後漕船業據該道原稟聲明。已飭收泊口內。設法密加防護。並嚴禁地方。不准私相接濟食物。該夷如或登岸滋擾。此間雖有防兵團勇。迥非大沽海口可比。自應遵

旨。臨時酌量妥辦。斷不先行起釁。致於大局轉多窒礙。殊批。知道了。

諭軍機大臣等。奉日據王明奏。金州海口。見夷船劫留商船。並搶劫銀兩。一切情形。又據文煜奏。夷船攔截漕船商船。現在暗為防範。各一摺。沙船運米到津。前數月未聞有被火輪船搶劫之事。何以此時紛紛被劫。且有致斃人命之事。實堪詫異。難保非冒充暎佛之人所致。著薛煥一面照會暎佛二國查詢。如係該國之船。務須嚴行禁約。免起爭端。倘有別國冒充暎佛二國者。中國無從辨別。即由該二國查明照覆。一面飭令商人仿照前次該夷欲截漕船之舉。眾商與之爭論之意。向其理論。爾等既絕我等生計。祇好從此罷市。薛煥須相機從中調處。斷不可令其決裂。是為至要。王明文煜原奏。俱著鈔給閱看。

壬辰○山東巡撫文煜奏○竊查夷船忽來忽往○並攔截漕船
等情○先經奏報在案○茲據福山縣稟○夷船於本月十九日○
駛至烟臺山下○約有三四千人○各執器械○上岸占住張姓
房屋○即於山上紮營○並張貼偽示○尚不滋鬧○居民亦未搬
移○鈔錄偽示稟報○並據登州鎮府揭取偽示咨稟○均同前
由各等情○伏查前此欽奉寄

諭○即經咨札鎮道遴選熟悉情形長於辭令之員○以備任使○茲除
飛飭即速前往○欽遵前奉

諭旨○妥為開導○總期相機籌辦○必不自我起釁○使該夷無可藉口○
一面又經由省飭委現署青州府候補知府董步霄候補

游擊定順。星夜馳往。隨同鎮道會督印委文武。妥慎駕取防範。詢其是何來意。如何動靜。再行隨時奏報。

諭軍機大臣等。文煜奏。夷人持械登岸紮營。張貼偽示。尚不滋鬧。委員前往妥辦一摺。並將揭取偽示。咨送軍機處呈覽。昨苗孟娃帶領夷船。於本月十九日。駛至烟臺山下。約有三四千人。各執器械上岸。占住房屋。即於山上紮營。並張貼偽示。安撫居民。並不滋鬧。其心叵測。恐其意圖久踞。煽惑民人。徐謀構釁。文煜現委署青州府知府董步雲等。前往相機妥辦。當令告以去歲在津。該國並未幫助英法國打仗。中國已令欽差大臣知照貴國。按味國換約之事。商辦在案。迄今並未接據照覆。亦無妥定章

程○今驟然攜兵而來○實堪詫異○此處既非通商之地○又非商辦
換約之處○未便相留久住○此地居民○或相驚擾○反傷和好之道○
仍應速回上海○向欽差大臣議定條約○應在何處換約○總俟上
海欽差大臣知照○方能辦理○看其如何答覆○總在該委員等○到
切關導○勸其將船隻撤回上海○毋任久踞○方為妥善○並飭沿海
將弁○於各路密為防範○固不可自啟釁端○亦不得因其並不滋
事○漫無準備○總宜暗中布置○有備無患○並嚴禁內地民人接濟
食物○潛相勾結○是為至要○

又

諭○文煜奏○夷人上岸紮營張貼偽示○委員相機妥辦一摺○據稱福

山縣於本月十九日。有自稱聯夷兵船。至煙臺山下。約有三四千人。各執軍器。上岸占住民房。即於山上紮營。並張貼偽示。尚不滋鬧。現選長於詞令之員。妥為開導等語。此次夷人占踞煙臺。偽示內自稱係聯國王姓。前諭何桂清。薛煥。設法令華商轉告夷商。向希首開導。宜在上海先行議定。再為換約。藉以阻其北取。薛煥接奉此旨後。是否已諭華商。轉告夷商。如兵端一啟。則各商均受其累。希首或可自知悔悟。至應議條款。前已密諭何桂清等知悉。是否已由商人轉達。聯夷二酋知悉。或尚未曾一一明言。著薛煥。即行詳細覆奏。此次曉諭聯夷。當告以上年。英法背約。爾國并未附和。何以今有兵船。忽至煙臺。實屬有失。

和好之道。該處並非通商之口。僅該民人等。或有爭端。轉傷和好。速將此項兵船撤回上海。定議後。即可換約。從此永敦和好。以免猜疑。如此剴切開導。或可使就範圍。鮮煇現。暑欽差大臣。辦理夷務。是其專責。務須悉心籌辦。不可意存推諉。致誤事機。佛夷偽示。著鈔給閱看。

癸巳。兩淮鹽運使喬松年奏。竊賊勢愈熾。撲滅需時。而江南江北。兵勇皆為難恃。非調滿洲蒙古勁旅。不足制勝。而京畿因嚴防海口。深恐不敷調遣。臣伏念。奕奕志在觀利。尚非一意構兵。惟其多有所請。不免妄謬。第時事孔艱。

皇上如天之量。何所不容。昔晉侯用魏絳之謀。漢帝賜趙佗之詔。

史乘以為美談。不為失體。僕此時假以寬大。仍照天津原議。換給和約。彼族必弭耳受羈。不至生事。乃可分津防之兵。移津防之餉。盡力以定江南。俟江南肅清。養精蓄銳。再為震盪之舉。刻下江南大局。夷人知之甚悉。亦必挾以干求。不肯遽就範圍。若仍照天津原議。則彼亦無可再有翻異。否則拒之過甚。僕內訌外侮。相乘交至。更難措手。夷人如果蓄意用兵。原亦不可屈意連和。細察其情。此時只係不甘退讓。尚無別意。僕蒙

皇上曲意包荒。不但可以勻出兵力。專以滅賊。即徵夷兵為用。且必樂從。此係

國家重事。臣不應妄行陳議。第軍情益急。竊權其緩急。管見所及。不敢不貢愚忱。以備

采擇。

殊批。覽。速就撫局。原屬正辦。若藉資夷力。後患無窮。

籌辨吳務始末卷之五十一